

Gbouŋ nba ki Pɔɔl din sɔb ki tur TAITUS nae na

Ki j̄in Taitus gbouŋ na po

Taitus din ki tee Juu nirɔ, ŋaan teen Yiisa yada, ki tee Pɔɔl toontunnanlɔɔ nan u sommtɔɔ, barŋanii na toona ni. Pɔɔl gbouŋ nba ki u tur Taitus na din want a wun biar Kret tiŋ nie, kii gorii Yiisaweira na benu.

¹ Min Pɔɔl, wunba tee Yennu daabir nan Yiisa Masia toonii na, mine ki Yennu gann ki tumin u nigannkab boor a n chee bi yada, ki te bin bann u harmɔnii labaar nba wantit yentinu sɔnu na, ² ki bia turib dindann nan bi sii mɔk manfoor nba kaa gbennu. Yennu nba ki fa faak na din senn mɔsonn ki sɔɔ durinya daa ki piin, a u tan saa turit manfoor maŋ, ³ ki yoo nba din tan jaŋ na ki u fiit wann li labaar u maan ni; ki j̄ii labaar maŋ ki teen n nuu ni, ki n mɔɔntir nan ti Tinntɔɔ Yennu nba turin mɔb na. ⁴ N sɔbin gbouŋ na ki teen fin Taitus nba tee n bimɔŋ, yada yennkɔɔ ni nae. Ti Baa Yennu nan ti Tinntɔɔ Yiisa Masia ninkpabaun nan parmaasir-ii be nana.

Ki j̄in Taitus toona po

⁵ N din te ki a biar Kret tiŋ ni maa a ŋamm bonsiar kur nba kpaa talase, ki gann Masiaweira saakab doo kur ni, nan maa wanna bianŋinba na: ⁶ Li kpaa talas ki Masiaweira saakɔɔ daa mɔk biiti; kii mɔk poo yenɔkɔɔ; ki u waas n teen

Masia yada, ki daa tee wabiit nan tubkangbata; ⁷kimaan Masiaweira yudaanɔe yen Yennu toona. Li paak, li kpaas talas ki u daa mɔk biiti: U daa tee bongaann, koo wunba dont wutoor yann yanni, koo ki tee danyuuruk, koo kpikpiruk daanɔ, koo liklonbiiuk daanɔ. ⁸ Li kpaas talas ki wuu mi saamm gaaru, kii loon toonjana tumu, kii sub, kii be fanu, kii tee popeendaanɔ, kii mi u mɔndianu, ⁹ kii dia barmɔnii labaar nba ki bi din wannɔ na. Nanne saa te wun fit wann niib wannu nba took, ki fit nyann binba ki saak barmɔnii wannu man.

¹⁰ N beera linba na, kimaan moyêtdamm be bonchiann, ki Juu tesiab mantik tuun nnae, ki dia bi mɔmaan nba kaa nyɔot ki kpann leeb. ¹¹ Li kpaas talas ki fan gɔɔr bi labaar man, kimaan bi liklonbiiuk paak ki bi lin want niib linba ki njan nan bii want, ki nmat nasai niib dudukit. ¹²⁻¹³ Kret jasɔɔ, wunba din tee bi tiɔɔ sokinii na din yet a: “Kret teeb fa faak yoo kura; bi tee nan bonkobibiit nae, ki bia tee forinfoona nba loon diina kuukɔɔ.” Waa din yet bianjinba na tee barmɔniie. Li paak, li kpaas talas ki a yakii namm fanu, ki bin dia Masia labaar na nan barmɔnii, ¹⁴ ki ji daa fiin Juu teeb faak po, ki bia daa fiin niib nba ki saak barmɔnii wannu na po. ¹⁵ Popeendamm boor, bonsiar kur yeene; njan biitdamm nba ki teen Masia yada na, siar ki yeen bi boori, kimaan bi dudukit nan bi yan ki yeeni. ¹⁶ Bi yi bi mɔɔ Yenmiirae, njan ki bi toona want nan bi ki mi Yennu. Bi tee moyêtdamme, ki nubir Yennu boor, ki bia kan fit tun toonjansiari.

2

Ki jiin wannmɔnu po

¹ Taitus, fin-ii want wannmɔnu na. ² A kpaan jasaakab na ki bii be soon nna, kii sub, kii dia bi mɔŋ, kii dia Masia labaar fanu, kii loon niib, kii mɔk gbankur. ³ A bia kpaan poosaakab na ki bii tee popeendamm. Bi daa tee sanjaanjanna, ki daa mantik tee danyuura. Li kpaan talas ki bii want linba ŋan, ⁴ kii want poobis na ki bii loon bi sɔrib nan bi waas, ⁵ kii dia bi mɔŋ, kii tee popeendamm, kii tee ŋapooŋamm, kii be fanu, kii saak bi sɔrib mɔi. Ŋanne saa te ki sɔɔ kan fit pak bonbiir ki jiin Yennu maan na po.

⁶ A bia kpaan naasimm ki bin dia bi mɔŋ. ⁷ A mɔŋ-ii be fanu bonsiar kur ni, kii want leeb baa sii be fanu bianjinba. A wann niib Masia labaar nan barmɔnii, kii sub, ⁸ kii piak linba took ki sɔɔ kan mi yiinir yanni, ki binba loon ki bii kɔn nant daa laat bonbiir nba ki bi saa pak ti po; ŋanne saa te ki bin di fei. ⁹ Li ŋan ki daaba-ii saak bi yomdamm mɔi, kii pent bi para bonsiar kur ni. Bi daa nɔi nan bi yomdammi, ¹⁰ ki daa jaan bi siari. Li kpaan talas ki bin wann bi mɔŋ nan bi be fanu nan barmɔnii yoo kur; ŋanne ki bi binben kur saa wann nan ti Tinntɔɔ Yennu wannu na ŋan bonchiann.

¹¹ Kimaan Yennu tur nisaarik kur sɔnu a wun la tinnu; ŋanne fiit wann u ninbatinu nba yab bianjinba. ¹² Li ninbatinue wannit a tin nyik linba kur ki tee yentinu na, nan tingboun na loonbiit, ŋaan dia ti mɔŋ, kii be fanu, kii tiin Yennu, tingboun na ni, ¹³ kimaan ti guu ki mɔk

dindann nba turit parpeenn nan ti Yabint Yennu nan ti Tinntoo Yiisa Masia saa dokit yentsaakar ni; ¹⁴ nsoe din gaar ti paak ki kpo, a wun nyinnit biit kur daabisin ni, ki te ki ti tee popeendamm nba tee u kuukoo yab, ki tee niib nba numm mon nan toonjana tumu.

¹⁵ Wantib linba na kura, kii cheen bi para, kii kpaanib nan Yennu nba tura yudant bianjinba na. Daa te ki soo goriia yanni.

3

Ki jiiin Masiaweira binben po

¹ A tiarib ki bin tur bi tin yudamm nan yentdamm baakir, ki sak bi moi, ki teen siir nan toonjana tumu yoo kur. ² Betirib ki bi daa piak barbiit soo paaki, ki daa kon nan leebi, kii be soon nna, kii teen soo kur baakir; ³ kimaan sianyoo ti mon din ki mok yami, ti din tee moyetdamme, ki waa sonu nba ki tooki, ki waa nianbiit sonbooru booru. Ti din tuu ki mi dudukit nba nan; ki tee funfunn damm, ki ki loon ti leeb, ki bi mun ki loont. ⁴ Nnaan ti Tinntoo Yennu lomm nan u burchint nba din tan fiit nyii paanu yoo nba, ⁵ ki u tinnit. Li ki tee ti tiog toonjana paak kaa, nnaan u mon ninbatinu paake ki u tinnit, ki din wuurit ki nyinn ti biit, ki te ki u Seyeen namm nant, ki turit manfopaann, ⁶ ki jii u Seyeen man ki turit, ti Tinntoo Yiisa Masia paak. ⁷ Yennu ninbatinu paak ki u tun nna a wun teent ninamm u boor; ki bia teent u waas nba mok dindann a ti saa la manfoor nba kaa gbennu. ⁸ Bari na tee barmoniie.

N loon ki a jii a dudukit kur kii wantib linba na, ki binba teen Yennu yada na n jii bi yoo ki tun linba nan; nanne nan ki mək nyoot ki tur soo kur. ⁹ Naaan nyik mənəyana, nan yaadindont kanu, ki daa kən nan leeb, ki bia daa nōi mənōk sennu paak, kimaan linba na kura ki nan, ki bia ki mək nyosiati. ¹⁰ Nirō-i tee tukina daanō, fan kpaanō yomm koo munlee; ki u baka-i kaa li kpaanii ni, fan nyikō ki ji daa fiin u po, ¹¹ kimaan a mi nan li nibooru nyik Masia weiuwa, ki u toonbiit nae want u biit.

Kpaanjoontii

¹² Mi-i tun Atemas koo Tikikus a boor yoo nba, fan yabir ki chetin Nikopolis doo ni, kimaan n sii be leje wonfufuk yoo. ¹³ Yabit a mən ki somm Senas, wunba tee barbuurō na, nan Apolos, ki bin la baa loon linba kur ki piin bi sōnii na. ¹⁴ Li kpaas talas ki Masiaweira-ii tuun toonnan kii sommit niib bi fara ni, ki daa be binben nba kaa nyooti.

¹⁵ Binba be n boor na kura foonta. A foont binba teen Masia yada ki loonit na. Yennu ninkpabaun-ii be nan i kura.

Yennu Gbouj Moor
Bimoba: Yennu Gbouj Moor Bible

copyright © 2003 Wycliffe Bible Translators, Inc.

Language: Bimoba

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 21 Feb 2024 from source
files dated 29 Jan 2022

00d89ba0-4677-52d9-9bc5-aa3d7c5c966d